

6. Der Sohn dem Vatter gehorsam war/
 Er kam zu mir auff Erden :/:
 Von einer Jungfraw rein vnd gart/
 Er solt mein Bruder werden/
 Gar heimlich führt er sein Gewalt/
 Er gieng in einer armen gstat/
 Den Teuffel wolt er fangen.
7. Er sprach zu mir/halt dich an mich/
 Es soll dir jetzt gelingen :/:
 Ich geb mich selber ganz für dich/
 Da will ich für dich ringen/
 Denn ich bin dein/vnd du bist mein/
 Vnd wo ich bleib/da solt du seyn/
 Vns soll der Feind nicht scheiden.
8. Vergiessen wird man mir mein Blut/
 Darzu mein leben rauben :/:
 Das leid ich alles dir zu gut/
 Das halt mit vestem Glauben/
 Den Todt verschlingt das Leben mein/
 Mein Vnschuld trägt die Sünde dein/
 Da bist du seelig worden.
9. Gen Himmel zu dem Vatter mein/
 Fahr ich auß diesem Leben :/:
 Da will ich sein der Meister dein/
 Den Geist will ich dir geben/
 Der dich in Trübsal trösten soll/
 Vnd lehren mich erkennen wol/
 Vnd in der Waarheit leiten.
10. Was ich gethan hab vnd gelehrt/
 Das solt du thun vnd lehren :/:
 Damit das Reich Gottes werd gemehrt/
 Zu Lob vnd seinen Ehren/
 Vnd hüt dich vor der Menschen Gfah/
 Davon verdirbt der edle Schatz/
 Das laß ich dir zur leze.